



## 29.2 KISWAHILI (102)

### 29.1.1 Kiswahili Paper 1 (102/1)

1. Insha ya lazima.

Umealikwa kitongojini mwenu kama mgeni wa heshima katika hafla ya kuzindua kundi la wasanii wa Kikwetu. Andika hotuba utakayotoa ya kuonyesha umuhimu wa sanaa na michezo.

2. "Utali una madhara mengi kuliko faida hapa nchini." Jadili.
3. Samaki buanza kuoza kichwaaji.
4. Andika insha itakayomalizikia kwa : Hapo ndipo nilipotambua kuwa kama maswala yao hayatashughulikiwa kwa dhati, vijana ni kama bomu ambalo liko tayari kulipuka wakati wowote.

## 29.2.2 Kiswahili Paper 2 (101/2)

### I UFAHAMU

*Soma makala yafiatayo kisha ujibu maswali.*

Wanasaikolojia wanabainisha kati ya sehemu mbili kuu katika akili ya binadamu: ung'amuza ni ung'amuzebwete. Ung'amuza ni sehemu ya ubongo ambayo kimsingi hupanua na kudadavua yanayotendeka hususan mchana. Ung'amuzebwete ni kibinimethali chake; hufanya kazi wakati binadamu anapolemazwa na usingizi. Baadhi ya mambo anayoshuhudia binadamu mchana yanaingia kwenye ung'amuzebwete wake na kutokeza katika ndoto zake usiku.

Kwa mujibu wa mawazo ya Sigmund Freud, mwanaasaikolojia wa jadi anayechukuliwa na wengi kama mwasisi wa taaluma ya saikolojia, mambo yanayopatikana katika ung'amuzebwete yana sifa hasi. Freud alidahili kuwa binadamu huysiche na kuyabania kwenye ung'amuzebwete mambo ambayo hawezi kuyasema kadarnasi. Alieleza kuwa matamanio yasiyokubalika, makatazo ya jamii, fikra na'kauli zilizoharamishwa na miko ya kijamii hubanwa katika ung'amuzebwete. Shehena hiyo ndiyo inayochipuza kwa njia ya ishara za ndoto, mitelezo ya kauli, yaani maneno au kauli zinazotutoka bila wenyewe kukusudia, ishara na lugha ya kitamathali katika uandishi wa kibunifu na kadhalika.

Ung'amuzebwete una uwezo mkubwa wa kuathiri matendo ya binadamu. Huu ndio msingi unaowafanya wanasaikolojia wengi, akiwepo Freud, kusema kuwa tajriba ya mtoto inaweza kufichwa kwenye sehemu hiyo na hatimaye kuishia kutokeza katika utu uzima wake. Kwa kuwa tunapoingiliana na binadamu wenzetu kila siku tunayang'amua tuyafanyayo, ung'amuza unaotuwezesha kutambua jema na ovu unatawala. Ung'amuzebwete unapotawala binadamu wenzetu watashindwa kutuelewa. Hii ndiyo hali anayokuwa nayo mwendawazimu. Ung'amuzebwete wake hutawala. Sisi tunaotawaliwa na ung'amuza tunashindwa kumwelewa; naye bila shaka anashindwa kumwelewa.

Carl Gustav Jung, aliyewahi kuwa mwanafunzi wa Freud, aliupinga mwelekeo wa Freud wa kuuangalia ung'amuzebwete kama jaa la mawazo mabaya, matamanio, nia, fikira tuli na dhana ambazo ni hasi. Jung alizuka na dhana mbili muhimu: Ung'amuzebwete wa kibinagsi na ung'amuzebwete jumuishi. Alisema mambo, fikra na uzoefu wowote mbaya unaomuhusu mtu binagsi hupatikana katika ung'amuzebwete wa kibinagsi. Dhana ya ung'amuzebwete jumuishi aliitumia kuelezea sehernu ya akili ya binadamu ambayo inamfanya ayatende matendo fulani kama binadamu wenzake licha ya tofauti zao kiwakati na kijiografia. Kwa mfano, binadamu wengi wana sherehe za kuzaliwa mtoto, kuoza, ibada au mviga unaohusiana na kifo licha ya tofauti zao. Jung alisema kuwa kinachochochaea hali hii ni urithi fulani wa kila mwanadamu. Urithi huo unapatikana katika ung'amuzebwete jumuishi.

Upo mwafikiano kati ya wataalamu hawa wawili kuwa ung'amuzebwete una uwezo wa kuathiri ung'amuza na matendo ya binadamu ya king'amuza. Wanasaikolojia wanashikilia kuwa binadamu hawezi kukamilika bila kuzihusisha schemu zote mbili kwa sababu zinaathiriana.

- (a) Kwa nini ung'amuzebwete unaelezwa kama kinyume cha ung'amuza? (alama 2)
- (b) Eleza mtazamo wa Freud kuhusu ung'amuzebwete. (alama 3)
- (c) Kwa mujibu wa Freud yaliyomo kwenye ung'amuzebwete hudhibirika vipi? (alama 4)
- (d) Eleza tofauti ya mawazo kati ya Sigmund Freud na Carl Gustav Jung. (alama 4)
- (e) Taja hoja inayowafungamanisha Jung na Freud. (alama 2)

## 2. MUHTASARI

Utaifa ni mshikamano wa hisia zinazowafungamanisha watu wanaoishi katika taifa moja. Taifa huundwa na watu wanaoishi katika nchi moja na ambao wanajitambua kisiasa kama watu wenye mwelekeo, mwono na hatima sawa. Utaifa umejengwa kwenye hisia za mapenzi kwa nchi na utambuzi wa kwamba rangi, cheo, hadhi, eneo, kabilia au tofauti nyinginezo baina ya watu wanaoishi katika nchi moja si sababu ya kuwatenganisha.

Nchi moja huweza kuwa na watu wa makabila tofauti, wenye matabaka ya kila nui na mawazo ainati. Watu hao wanapotambua kuwa kuna sherisi nyingine inayowaunganisha kama fahari ya kuwa watu wa nchi hiyo, falsafa na imani sawa ambayo ishara yake kuu ni wimbo wa taifa na kuwa tofauti kati yao si muhimu huwa wamefikia kuunda taifa.

Mhimili mkuu wa utaifa ni uzalendo. Uzalendo ni mapenzi makubwa aliyo nayo mtu kwa nchi yake. Mapenzi haya ndiyo yanayoongoza matendo yake, matamanio yake, mawazo yake, itikadi yake, mwonoulimwengu wake na muhimu zaidi inkabala wake kujhusu nchi yake na hatima ya nchi yenye. Uzalendo ni nguzo muhimu sana ya taifa. Mzalendo hawezi kuyatenda mambo yanayoweza kuiletea nakama nchi yake.

Matendo ya mzalendo huangazwa na mwenge wa mema anayoitakia nchi au taifa lake. Hawezi kushiriki kwenye harakati na amali ambazo zinahujumu au kufumua mshikamano wa taifa zima au kutawaliwa na kitiba cha kutaka kujinufaisha yeye mwenyewe au jamii yake finyu. Matendo ya mzalendo wa kitaifa yanaongozwa na mwelekeo wa kuiboresha nchi yake. Swali linalomwongoza mtu huyo ni: nimeifanyia nini nchi yangu au taifa langu? Alhasili mtu anacyipenda nchi yake hawezi kuongozwa na umero wa kibinagsi tu wa kujilimbikia mali, utajiri au pesa. Yuko radhi kuhasirika kama mtu binafsi ili taifa au nchi yake inufaik.

Utaifa ni mche aali ambao unapaliliwa kwa uzalendo, kuepuka hawaa za nafsi, kusinywa na taasubi za kikabila na kuacha tamaa ya kujinufaisha. Hali hiyo inapofikiwa, hatima ya wanajamii wa taifa linalohusika huwa nzuri na mustakabali wao na wa vizazi vyao huwa wa matumaini makubwa.

- (a) Dondoa sifa kuu za utaifa. (maneno 40 – 50) (alama 6, 1 ya mitiririko)

Matayarisho  
Jibu

- (b) Kwa kutumia maneno kati ya 60 – 70, onyesha missingi ya kumtathminni mzalendo. (alama 9, 1 ya mitiririko)

Matayarisho

Jibu

## 3 MATUMIZI YA LUGHA

- (a) Andika sentensi mbili zifuatazo kama sentensi moja kwa kutumia kiwakilishi kirejeshi.

- (i) Duka la Bahati lina bidhaa nyingi.  
(ii) Juma anafanya kazi katika duka la Bahati.

(alama 2)

- (b) (i) Eleza matumizi mawili ya kiambishi -ji-. (alama 2)

- (ii) Tunga sentensi moja kuonyesha moja ya matumizi hayo.

(alama 2)

- (c) Tumia visawe vya maneno yaliyopigwa mstari kuandika tena sentensi ifuatayo:  
Ukuta umemwumiza myulana alipokuwa akiuparaga. (alama 3)

- (d) Chora vielelezo matawi vya sentensi ifuatayo:  
Bakari, Roda na Hirsi wamefurahi kupita mtihani. (alama 4)
- (e) Tambua sauti ambazo si za ufizi katika sauti hizi.  
m, t, n, z, gh. (alama 1)
- (f) Tunga sentensi sahihi ukitumia -fa- katika hali ya mazoea. (alama 2)
- (g) Onyesha kwa kupiga mstari iliko shadda katika maneno mawili yafuatayo:  
 (i) Malaika  
 (ii) Nge (alama 2)
- (i) Tunga sentensi ukitumia kielezi cha jinsi cha nomino ifuatayo:  
Uganda (alama 2)
- (j) Bainisha sentensi sahili zilizo katika sentensi mseto ifuatayo:  
Hamali ambaye ameugua alisema kuwa angekwenda hospitali jana. (alama 3)
- (k) Andika ukubwa wa sentensi:  
Ndovu wa Kiafrika ameharibu kichaka. (alama 2)
- (l) Iandike tena sentensi ifuatayo bila kutumia vitenzi visaidizi.  
Wachezaji huenda wakawa wanaweza kushinda mchezo wa leo. (alama 2)
- (m) Andika kwa msemo halisi: Baba alipotuuliza kama tungependa kwenda Mombasa wakati wa likizo tulimjibu kwamba tulitaka kwenda Kisumu kwa kuwa tulikuwa hatujalionia Ziwa Victoria. (alama 3)
- (n) Huku ukitoa mifano mwafaka onyesha matumizi mawili ya kinyota(\*) katika sarufi ya Kiswahili. (alama 4)
- (o) Kanusha sentensi ifuatayo:  
Hapo napo ndipo nitakapo. (alama 1)
- (p) Andika kinyume cha:  
Furaha amehamia mjini. (alama 1)
- (q) Andika maneno yafuatayo katika kauli zilizoonyeshwa katika mabano  

<u>Neno</u>	<u>Kauli</u>	<u>Jibu</u>
(i) Imba	(tendesha)	.....
(ii) Choka	(tendea)	.....

 (alama 2)
- 4 ISIMUJAMII**  
Eleza majukumu matano matano ya Kiswahili kama lugha ya Kitaifa na Kimataifa. (alama 10)

### 29.2.3 Kiswahili Paper 1 (102/3)

#### RIWAYA S. A. MOHAMED: Utengano

##### 1 Lazima

"Katu asingajitia kibuibui na kutanga na njia. Lo, kachoshwa na shimiri za baruti anazoshindiliwa moyoni mwake."

- (a) Eleza muktadha wa dondoo hili. (alama 4)
- (b) Taja na usafanue tamathali ya usemi iliyotumika katika dondoo hili. (alama 4)
- (c) Eleza umuhimu wa kisa kinachorejelewa na dondoo. (alama 4)
- (d) Kwa kurejelea matukio mengine katika riwaya ya *Utengano*, fafanua maudhui mawili yanayoashiriwa na dondoo hili. (alama 8)

#### USHAIRI

*Jibu swali la 2 au la 3*

##### 2 Soma shairi hili kisha ujibu maswali yanayofuata:

**KIBARUWA : Abdilatif Abdalla**

Kwenye shamba hilo kubwa asilani hakunyi mvuwa!  
Ni kwa mitilizi ya jasho langu ndiyo hunweshezwa  
Kwenye shamba hilo kubwa sasa imeshaiwa kahawa  
Na buñize ni matone ya damu yangu niliyotowa  
Ndipo mte ukatipuza!

Buni hiyo itakaangwa buni hiyo itapondwapondwa  
Buni hiyo itasagwa na buni hiyo itafyondwafyondwa  
Bali itabaki nyeusi kama ngozi yangu Kibaruwa

Waulize ndege kwa nyimbo nyanana watutumbuizao  
Julize na mito kwa furaha maji itiririkao  
Uulize na upopo mkali kwa ghadhabu uvumao -

Viulize: Ni nani araukaye na mapema kuzitema mbuga na kuzilaza?  
Viulize: Ni nani akweaye minazi tangu kuchapo hadi lingiapo giza?  
Viulize: Ni nani abebeshwaye mizigo hadi maungo yakageuka shaza?  
Halafuye hana faida moja apatayo wala malipo yanayotosheleza -  
Isipokuwa kusundugwa na kutupiwa matambara na vyakula vilivyooza?  
Viulize: Ni nani huyo ni nani!

Viulize: Ni nani ayalimaye mashamba na kuyapaliliya?  
Na mimea kochokocho ikajaa kwa uzito ikajinamiya?  
Hatimaye nani atajirikaye mali yakammiminikiya  
Akaota na kitambi kama mja mzito wa miezi tisiya  
Na akaongeza magari na wanawake kutoka na kuingiya?  
Viulize: Ni nani huyo ni nani!

Na hao ndege kwa nyimbo nyanana watutumbuizao  
Nayo hiyo mito kwa furaha maji itiririkao  
Na huo upepo mkali wenyewe ghadhabu uvumao  
Vyote hivyo vitatu vitakujibu kwa umoja wao:  
“Ni Kibaruwa Manamba ndiye intendaji hayo!”

- (a) Eleza dhamira ya shairi hili. (alama 2)
- (b) Kwa kutoa mifano, eleza aina mbili za idhini ya kishairi alizotumia mshairi (alama 4)
- (c) Kwa kurejelea ubeti wa tatu taja na ueleze tamathali ya usemi na mbinu ya kimuundo iliyotumika. (alama 4)
- (d) Huku ukitoa mifano, eleza kwa kifupi mwelekeo wa mshairi kuhusu vibarua. (alama 4)
- (e) Andika ubeti wa tano katika lugha ya nathari. (alama 4)
- (f) Onyesha utata wa maana katika matumizi ya **Kibaruwa Manamba**. (alama 2)

**3 Soma shairi hili kisha ujibu maswali yanayofuata:**

**Kila Mchimba Kisima**

*Musa Mzenga*

- 1 Tenda utendapo tendo, tendo tendo kwa hekima,  
Liandamane mwenendo, sawa na yako kalima,  
Kalima yenyé upendo, kufurahisha mtima,  
**Kila mchimba kisima, budi hungia mwenyewe.**
- 2 Utendapo la faraja, tendo ni yako salama,  
Ya kukupa kila tija, na ushindi wa daima,  
Upate njema daraja, duniani na kiyama,  
**Kila mchimba kisima, budi hungia mwenyewe.**
- 3 Utendapo la miuja, tendo ni yako nakama  
Ya kukutia harija, hasara kukuandama,  
Usione afuwaja, mwanzo na yako hatima,  
**Kila mchimba kisima, budi hungia mwenyewe.**
- 4 Nakwambia uelewe, pulika ninayosema,  
Si ari ya mwenginewe, kumuonya kwa lazima,  
Mtu hufunza mwanawewe, kwanza ajue heshima,  
**Kila mchimba kisima, budi hungia mwenyewe.**
- 5 Nisipokwambia wewe, kukufunza kila jema,  
Kusudi nikuongowe, uepukwe na tuhuma,  
Matusi ndimi nipawe, ila na kila lawama,  
**Kila mchimba kisima, budi hungia mwenyewe.**
- 6 Hii si heri ujuwe, matusi kunigandama,  
Hadhi usiniuzuwe, hamithilishwa na nyama,  
Fikiri moyo utuwe, nikupapo taaluma  
**Kila mchimba kisima, budi hungia mwenyewe.**
- 7 Shika tena utambuwe, wasia huu ni mwema,  
Matendo usipunguwe, mazuri kutenda hima,  
Yatende ubarikiwe, upawe na taadhima,  
**Kila mchimba kisima, budi hungia mwenyewe.**
- 8 Yakupasa uchunguwe, kila jambo kulipima,  
Upime ufanuwe, mambo yote kwa alama,  
La kuwaka ulijuwe, pia lipi la kuzima,  
**Kila mchimba kisima, budi hungia mwenyewe.**

- (a) Eleza maudhui ya shairi hili. (alama 4)
- (b) Ujumbe unaowasilishwa katika shairi hili una hadhira lengwa tatu. Zitaje na utoe mifano. (alama 6)
- (c) Eleza umuhimu wa kipokeo kinachotumiwa katika shairi hili. (alama 4)
- (d) Andika ubeti wa tano kwa lugha ya nathari. (alama 4)
- (e) Eleza maana ya msamiati ufuatao kama ulivyotumiwa katika shairi:  
 (i) afuwaja  
 (ii) taaluma (alama 2)

### **TAMTHILIA**

#### **KITHAKA WA MBERIA: *Kifo Kisimani***

*Jibu swali la 4 au la 5*

- 4 Huku ukitoa mifano mwafaka, fafanua mbinu zozote kumi zinazotumiwa na utawala wa Bokono kuendeleza udhalimu katika nchi ya Butangi. (alama 20)
- 5 Eleza huku ukitumia mifano mwafaka mbinu za kimtindo zifuatazo zinavyotumiwa katika tamthilia ya *Kifo Kisimani*:  
 (i) Kinaya  
 (ii) Ucheshi (alama 20)

### **HADITHI FUPI**

#### **K.W. WAMITILA: *Mayai Waziri wa Maradhi***

*Jibu swali la 6 au la 7*

- 6 "Mwanamke katika *Mayai Waziri wa Maradhi* amefungwa katika ngome ya kijamii." Jadili. (alama 20)

### **FASIHI SIMULIZI**

- 7 (a) Ni nini maana ya mawaidha katika Fasihi Simulizi? (alama 2)
- (b) Huku ukitoa mifano mwafaka fafanua muundo wa mawaidha katika Fasihi Simulizi. (alama 4)
- (c) Eleza sifa saba za mawaidha katika Fasihi Simulizi. (alama 14)